

明

詩

紀

事

光緒癸未都門過夏旅情蕭索取明人詩閱之遂有紀事之輯至己亥閱十七寒暑錄詩幾四千家分爲十籤凡論明詩者莫不謂盛於宏正極於嘉隆衰於公安竟陵余謂莫盛明初若犁眉海叟子高翠屏朝宗一山吳四傑粵五子閩十子會稽二肅崇安二藍以及草閣南村子英子宜虛白子憲之流以視宏正嘉隆時孰多孰少也且明初詩家各抒心得雋旨名篇自在流出無前後七子相矜相軋之習溫柔敦厚詩教固如是也長安旅食剗廁爲艱先以甲籤三十卷質之同好至此集以紀事爲名無事可紀者亦廣爲甄錄冀以攬前哲之芳馥爲後人之貽餉云爾己亥秋杪黔靈山樵陳田

明詩紀事總目

甲籤三十卷

乙籤二十二卷

丙籤十二卷

丁籤十七卷

戊籤二十二卷

己籤二十卷

庚籤三十卷

辛籤三十四卷

壬籤十卷嗣出

癸籤十卷嗣出

明詩紀事甲籤目

卷一上

太祖一首

成祖五首

仁宗一首

宣宗三首

英宗二首

憲宗一首

孝宗一首

世宗一首

神宗一首

莊烈帝一首

卷一下

祀社稷異壇同壝樂章二首

祫享太廟樂章四首

釋奠先師孔子樂章六首

宴饗九奏樂章七首

祀先蠶樂章二首

大禘樂章二首

雩祀雲門曲

一首

特享九廟樂章

五首

王國祀仁祖樂章

八首

宋祭告

天地樂章

三首

梁寅

朝會樂章

一首

顧祿

朝會樂章

二首

王景

卷二上

周定王櫺

四首

蜀獻王椿

一首

甯獻王權

二首

漢庶人高煦

一首

周獻王有燉

三首

秦康王志燦

一首

楚憲王季焜

二首

潘安王詮銖

一首

秦簡王誠沐

四首

肅靖王真沐

四首

泯靖王彥沐

一首

潘憲王厚移

三首

德平榮順王肩橈

一首

趙康王厚煜

二首

蜀成王讓栩二首

武岡保康王顯槐一首

潘宣王恬校二首

鎮康恭裕王恬焯三首

安慶端懿王恬熾二首

遼庶人憲熾一首

益莊王厚熾一首

潘定王珵堯一首

靖安王新環一首

穀城王常灑一首

卷二下

朱安瀕一首周藩

朱睦樞二首

朱華園一首楚藩

朱承綵一首齊藩

朱觀熾一首遼藩

朱頤姪十三首

朱憲熒二首齊藩

朱儼鑑二首

朱拱樞二首齊藩

朱多熿五首

朱多烜

八首

朱多煊

一首

朱多烜

一首

朱謀埠

四首

朱謀晉

三首

朱謀堯

二首

朱謀境

四首

朱謀埠

二首

朱謀埠

一首

朱統鉉

一首

朱統鉉

一首

朱統鑑

一首

朱容重

一首

朱肩梢

三首

潘潘

朱肩栏

一首

朱肩梢

一首

朱恬烷

一首

朱理圻

六首

朱理璿

一首

朱效鑑

一首

朱碩勑

四首

周藩

朱器封

二首

宋常洙

一首

益瀟

朱慈慈

一首

衡瀟

卷三

劉基

四首

汪廣洋

四首

陶安

十首

朱升

一首

孫炎

一首

鮑恂

五首

宋訥

十一首

張以甯

十首

卷四

宋濂

三首

答祿與權

一首

朱芾

三首

史靖可

一首

張唯

一首

方徵

一首

牛諒

一首

朱夢炎

一首

卷五

王禕

二首

吳雲

一首

詹同

一首

吳沈

一首

樂韶鳳

一首

魏觀

七首

錢用王

一首

危素

十五首

卷六

胡翰

一首

趙壩

一首

徐尊生

二首

謝徽

二首

朱右

八首

陶凱

一首

曾晳

一首

朱廉

一首

李汝一首

張孟兼一首

王彝一首

張宣三首

貝瓊八首

杜寅一首

呂復一首

李叔正一首

高啟七首 北郭十子

楊基四首

張羽十一首

卷八

徐賁三首

余堯臣一首

王行四首

宋克一首

呂敏二首

陳則一首
道衍見之識
十子中尙有釋

唐肅十六首

會稽二首

謝肅十四首

卷九

孫蕡十一首

南園五首

黃哲五首

王佐三首

李德四首

趙介一首

卷十

林鴻十八首

閩十子

王恭二十首

王偁二十二首

高廷禮十首

陳亮二首

鄭定二首

王褒二首

唐泰二首

周玄三首

黃玄二首

卷十一

劉崧二十三首

許伯旅九首

曹睿二首

邱民一首

韓守益一首

吳琳一首

趙似一首

卷十二

吳伯宗一首

劉三吾二首

汪叡一首

朱善一首

龔敏二首

杜敏三首

吳源一首

張兌一首

王嘉會一首

全思誠一首

周演

一首

滕毅

一首

楊訓文

一首

李質

二首

韓宜可

一首

張籌

一首

黃肅

三首

劉紹

十八首

卷十三

袁凱

二十首

蘇伯衡

七首

童冀

二首

申屠衡

二首

張昌

一首

鮑煥

一首

王立中

四首

林公慶

一首

張率

一首

包尼授

一首

涂穎

三首

朱逢吉

一首

金絅

一首

涂幾

「首」

鄒矩

一首

吳彤

「首」

卷十四

徐一夔

二首

劉承直

二首

周子諒

一首

林弼

八首

張翼

二首

陳世昌

一首

孫作

二首

瞿莊

二首

趙撝謙

一首

張美和

一首

錢宰

三首

揭軌

六首

卷十五

朱同

十三首

鄭潛

五首

秦約三首

桂彥良二首

范準二首

朱模一首

方時舉三首

陳觀一首

劉晟一首

賀守約二首

龍玉泉一首

文魯麟一首

杜隰一首

任原一首

王善慶一首

吳舜舉一首

黃思永一首

蔡景一首

柯欽一首

伍衡一首

王子箇一首

黃孟良一首

余師孔二首

徐松一首

彭友信 一首

王璵 二首

徐裕 一首

徐禮 一首

陳山 一首

卷十六

藍仁 十六首

藍智 三十八首

王沂 四首

王佑 二首

錢子正 一首

錢子義 一首

陳約 一首

陳緝 一首

林公與 一首

林公存 一首

林公冶 一首

李毓 五首

董佐才 一首

王鈞 一首

張興一首

張輅一首

鄭叔一首

鄭枋一首

繆仲琳一首

黎慎一首

卷十七

鏗炳二十二首

甘璫十三首

朱弘祖一首

李鎬一首

趙廸一首

劉秩三首

陳元達一首

何明遠一首

張存一首

諸葛伯衡一首

魏資政一首

李純道一首

李徵一首

錢復亨一首

李思齊 一首

卷十八

王蒙

五首

陳汝言

五首

王冕

十四首

張紳

十一首

莘野

一首

吳植

一首

芮麟

一首

袁義福

一首

卷十九

烏斯道

五首

顧祿

四首

浦源

五首

馬琬

一首

史謹

二首

薛穆

二首

虞堪

二首

楊彝

三首

邵誼一首

朱應辰一首

王履一首

宋璲三首

陳璧一首

張辰一首

盧熊三首

馬治五首

陶璨一首

董紀四首

卷二十

張適二十二首

謝恭一首

潘仁四首

邾經五首

朱紺三首

遂初八首

楊子善三首

郭橫一首

葉見泰二首

戴奎一首

鄭元益 一首

卷二十一

沐英 一首

郭奎 十五首

熊鼎

夏煜 一首

吳去疾

一首

陶誼 一首

谷宏

一首

陳潛夫 一首

沈應

一首

蕭翀 一首

白范

一首

周築 一首

練高

二首

史遷 三首

吳文泰

一首

程煜 一首

吳斌

四首

雷燧 一首

葉子奇

四首

日錄

九

卷二十二

胡奎

四十一首

王翰

八首

管時敏

二十一首

林溫

一首

貝翹

一首

張璧

一首

桂衡

一首

黃榦

一首

羅昭

一首

曹憲

一首

陸闕

三首

陳南賓

一首

卷二十三

陶宗儀

十七首

黎貞

三首

蘭茂

二首

蘭廷瑞

二首

唐貞

一首

陳謨

六首

梁蘭

五首

唐桂芳

七首

姚璵

一首

易恒

二首

韓奕

四首

王寶

一首

滑壽

二首

陶振

一首

林枝

一首

陸中

四首

卷二十四

李墨

五首

胡雲端

一首

蕭執

三首

周昉

二首

樓璵

一首

鄒奕

一首

丁晉

六首

陸禱

一首

高輝祖一首

陳維楨一首

范再一首

金居敬一首

胡安一首

韓廉一首

江敬弘一首

金夢巖一首

鄭昂一首

游莊一首

陳安一首

王中一首

顧協二首

謝林一首

卷二十五

袁華二十四首

徐達左三首

周南四首

林大同一首

殷奎五首

呂旭二首

朱昇一首

周居一首

陳燧一首

蕭岐一首

李唐一首

何彥修一首

陳謨一首

夏畦一首

張庸一首

俞韶美一首

王韶一首

周所立一首

林伯璣一首

卷二十六

張著二十二首

陳伯康八首

劉駟一首

鄭沂一首

李勝原一首

王時保一首

鄒說一首

富禮二首

卷二十七

劉璉

七首

郭鉅

二首

王澤

六首

王旬

一首

戈鎬

二首

俞貞木

六首

薛倫

一首

朱熙

一首

李伯震

一首

徐濟

三首

吳昊

一首

許敬軒

一首

程袞

一首

程彌壽

一首

王興

一首

陳雷

一首

鄭洪

一首

林旅

一首

卷二十八

李延興二十七首

凌雲翰九首

鄭真三首

許繼十首

郭濬一首

劉剛一首

錢岳一首

劉涣六首

袁宗彥二首

卷二十九

王諫一首

王敬中一首

林谷顯一首

馬德華一首

黃雋一首

張庭蘭一首

歐陽貞一首

任亨泰一首

陳時舉一首

俞永一首

陳郊一首

卷三十

胡子祺一首

宋杞一首

季應祈一首

范宗暉一首

林敏四首

李伯葵二首

劉仔肩五首

許中麗一首

顧田一首

林原縉一首

邱海一首

陳川一首

程用晦一首

劉琮玉一首

章詰一首

徐顥二首

葛貞

一首

舒壽童

一首

蕭規

一首

邢沂

一首

危德華

一首

黃襲

二首

周谷賓

一首

邵光祖

一首

游堅

一首

明詩紀事卷一

貴陽陳田輯

甲籤

太祖一首

太祖姓朱氏諱元璋字國瑞濠州鍾離人元至正三十一年辛卯起兵丁未稱吳元年戊申建元洪武在位三十二年崩葬孝陵有文集五十卷詩五卷

黃瑜雙槐歲鈔洪武八年秋八月上覽川流之不息
陋尹程秋水賦言不契道乃親更爲之賦成召禁林
羣臣觀之且曰卿等亦各撰賦以進朱濂率同列研
精覃思鋪敘成章詣東黃閣次第投獻上皆親覽焉
復寘品評於其間已而賜坐勅大官進天府奇珍內
臣行觴觴已上顧濂曰卿何不盡飲濂出跽奏曰臣
荷陛下聖慈賜以醕酌敢不如詔第臣年衰邁恐不
勝格杓志不攝氣或愆於禮度無以上承寵光爾上

曰卿始試之濂卽席而飲將徹上復頤曰卿更宜酬一觴濂再起固辭上曰一觴豈解醉人乎卒飲之濂爲對曰天威咫尺問不敢重有所瀆勉強一吸至盡舉觴上大悅濂顏面變赬頓覺精神遐飄若行浮雲中上復笑曰卿宜自述一詩朕亦爲卿賦醉歌二奉御捧黃綾案進上揮翰如飛須臾成楚辭一章曰西風颯颯水洋洋爲斯悅而再酌弄清波兮永光玉海茲澄江分分金張特會儒臣分舉觴目蒼柳兮裊娜閣漏下蹀躞透泛瓊卮今銀漿朱生微飲兮早醉忽周旋兮晏殊共樂但有益於彼兮何傷濂旣至命步而通士之盛也濂五拜叩頭以謝上更勅侍臣應制共樂太子平孫編醉賦者四人考功監丞華克勤給事中朱善方徵辟彭與孫皆吾廣州人彥彭學平桂林溫太子正字桂良即於上前大聲誦之琅然左右驚愕學士良也

黃佐翰林記太祖嘗出御製詩文以示詞臣太子正旨詹同私戒之上知之謂曰儒者事君正當誠意

毋事矯揉也

詞林記

丙午年六月上禱雨鍾山獲應

賦七言喜雨詩命待制黃哲等廣和已而諸將告捷
多令翰林諸臣應制賦詩上親加品評洪武十年二月上制十題命典籍吳伯宗賦之援筆立就詞語峻潔上嘉其才敏賜織金錦衣嘗幸清流關賦詩命扈從儒臣和之起居注劉季道有治定不教生縱逸功成猶遺厯問關之句上嘆賞曰可謂安不忘危賜以白金文綺又起居注蔣子杰應命卽物賦咏立成上大悅特寵賜和章一日命羣儒撰紫鵝文吳府伴讀王驥操觚立就學士宋濂爲之進呈上稱善及日將南至大祀於圜邱上復命羣臣賦七言律十二韻冠以三百言序驥與黃昶先成蹕讀御榻前上聽畢加獎勵命進學禁林云解縉春雨軒集洪武二十有八年北平永清衛之龍門禾有異莖同穗之祥今上皇帝遣使來進羣臣上表賀太祖高皇帝親御翰墨爲詩一章以賜今上皇帝其詩首言創業之艱天命之不易除暴蕪亂之師大矜下民之惠與民同樂之盛心滋於言表蓋不以爲可懼而思以自勉聖不以爲可懼而思以自勉

聖兢兢業業足以垂訓於千萬年今上皇帝服膺聖訓念手澤之存諷誦追維不能自已乃永樂三年用

摹勒於石拓本裝治成軸分賜諸王及近臣於是臣

紹亦得與賜焉

楊慎藝林伐山吾蜀解元王孝忠鄉試賀平西蜀表中有云川囚巴三收彈丸黑子之地傅一廖二成大統函夏之天傅一廖二乃太祖御製平西蜀頌中謂傅友德之功第

廖永忠之功第二也人咸服其博洽

董穀碧里雜存宋太史濂乞歸時御製詩二首餞之云白下閒尊話別離知君此後迹應稀濂續云臣身願作衡陽雁一度秋風一度歸上悅賜白金縉幣文倚曰與汝作百歲衣也自是歲一朝驚田按堯山堂外紀洪武十年宋學士景濂乞骸骨歸華亭朱孟辨紀其事作詩送之城上春雲煥更飛念卿此地迹應稀臣身願作隨陽雁一度秋來一度歸據此則又爲孟辨詩而非太祖與濂贊續也詩亦小有異同

周亮工閩小紀林廷綱洪武初承太祖親擢吏科給事中龍遇日隆嘗侍遊江間殿太祖首唱詩二句曰江間小殿與雲齊梁上新添燕子泥公承旨足成三聯曰雉尾曉聞紅日近龍衣春溼彩雲低旌旗影裏

子猶猶息斧鉞門前驕驕嘶聳筆詩成同拜舞太平天
王世貞藝苑卮言高皇帝神武天授生目不知書旣
下集慶始厭馬上長篇短歌操筆輒韻有魏武樂府
風制詞質古一洗駢偶之習王世貞弇山堂別集草木子謂上有佳句云鳥啼紅
樹裏人在翠微中天下誦之又皇太子新月詩云昨
夜嚴陵失釣鈎何人移上碧雲頭雖然未得酬酢相
也有清光照九州野史附之謂爲太祖及懿文不享
國之證草木子乃元遺民國初所著書謂上者頗帝
也皇太子者愛歟識理達謄也蓋以其不獲有天下
而在東宮頗擅權故記之耳高帝集無此二句
朱孟震續玉笥詩談近有作道聽錄者指黃巢咏菊
元梁王曉行之作以爲高皇宋人譏高宗養鵠詩載
菜氏草木子而以爲武宗北狩書非異聞時非久遠
尙謬矣若此况遠且僻哉

田按明史藝文志太祖文集五十卷詩五卷四庫
著錄二十卷自漢祖以馬上得天下大風一歌妙合
音節明祖起自布衣與漢合符御製篇章炳爲巨集
野史所載最爲繁雜茲擇其可信者著於編以贍一
代之風尙焉

題老子廢廟

廟古鴉昏集遙瞻起敬心路幽人迹杳碑偃草叢深度關先
紫氣去後永淪沈惟有庭前樹多年茂作林

成祖五首

成祖諱棣太祖四子初封燕王靖難兵入革除建文
年號建元永樂在位二十二年崩葬長陵有集

翰林記永樂四年二月上視學服皮弁御宸翰賦長
詩賜太子親王祭酒胡儼司業張智坐講文武三品
以上及翰林儒臣皆賜坐以聽講畢賜茶
何喬遠名山藏文皇御製條達宏遠如萬騎千乘馳
騁植立於平沙大漠之中
弇山堂別集永樂五年授交趾明經廿潤祖等十一
人爲諒江等府同知賜勅慰勉仍賦詩一章各送之
沈德符野獲編永樂十一年五月午節車駕東苑觀
擊毬射柳皇太孫擊射連發皆中上大喜射畢進皇
太孫嘉勞之因曰今日華夷畢集朕有一言爾當思

對之曰萬方玉帛風雲會皇太孫卽叩頭對曰一統山河日月明上喜賜名馬錦綺羅紗及番國布因命儒臣賦詩賜羣臣宴

闕里孔子廟詩

巍巍元聖古今之師垂世立言生民是資天將木鐸以教是
界謂欲無言示之者至惟天爲高惟道與參惟地爲厚惟德
與含生民以來實曰未有出類拔萃難乎先後示則不遠曰
用攸趨敦序有獎導於聖模仰惟皇考聖道實崇禮樂治平
身底厥功曰予祗述詎敢或懈聖緒不承儀憲永賴巖巖泰
山魯邦所瞻新廟奕奕飭祀有嚴鼓鐘鏗鏘磬戛擊八音
相宣聖情怡懌作我士類世有才賢佐我大明於斯萬年

田按明代御製闕里孔子廟碑文及詩凡三見成祖此詩其開先也憲宗孝宗詩具後

滿刺加鎮國山詩

西山鉅海中國通輸天灌地億載同沐日浴月光景融雨崖
露草木濃金花寶錫生青紅有國於茲民俗雍王好善義
思朝宗願比內郡依華風出入導從張蓋重儀文褐襲禮虔
恭大書貞石表爾忠爾國西山永鎮封山君海伯翕匱從皇
考陟降在彼穹後天監視久益隆爾衆子孫萬福崇

日本壽安鎮國山詩

日本有國鉅海東舟航密邇華夏通衣冠禮樂昭華風服御
綺繡考鼓鐘食有鼎俎居有宮語言文字皆順從善俗殊異
錫與戎萬年景運當時雍皇考在天靈感通監觀海宇罔不
恭爾源道義能廸功遠島微寇敢鞠凶鼠竊蠅噦潛其蹤爾

奉朕命搜捕窮如雷如電飛蒙衝絕港餘孽以火攻焦流水
上橫復縱什什伍伍禽奸凶荷校屈肘衛以從獻俘來庭口
嗚咽形庭左右誇精忠顧咨太史酬勳庸有國鎮山宜錫封
惟爾善與山增崇寵以銘詩貞石碧萬世照耀扶桑紅

淳泥長甯鎮國山詩

炎海之墟淳泥所處煦仁漸義有順無迂悽悽賢王惟化之
慕道以象譯適來奔赴同其婦子兄弟陪臣稽願闕下有言
以陳謂君猶天遺其禮樂一視同仁匪厚偏薄顧茲鮮德弗
稱所云浪舶風檣實勞懇勤稽古遠臣順來怒趙以躬或難
矧曰家室王心直誠金石其堅西南番長疇與王賢躉疇高
山以鎮王國鏗文於石懋昭王德王德克昭王國攸甯於萬

斯年仰我大明

柯枝鎮國山詩

截彼高山作鎮海邦吐烟出雲爲下國洪麗時其雨陽肅其煩熇作彼豐穰祛彼妖氛庇於斯民靡灾靡沴室家胥慶優游卒歲山之嶄矣海之深矣勒此銘詩相爲終始

野獲編永樂三年滿刺加國遣使入京求封其山爲一國之鎮上嘉之命封其國之西山爲鎮國山上御製碑文賜以銘詩四年日本國王源道義捕海寇有功賜白金千兩織金彩帶二百綺繡衣六十件銀茶壺三銀盆四及綺繡紗帳衾褥枕席諸物海船二隻封其國山曰壽安鎮國之山上親製碑文賜以銘詩六年浡泥國王遐旺還國賜金鑲玉帶一金帶一金百兩銀三千兩錢鈔錦繡紗羅衾褥帳幔器皿及王母王叔有差先遐旺父言蒙恩賜爵國之境土皆屬職方而國有後山封爲一國鎮至是其子又請上命封長甯鎮國之山御製碑文及銘詩先是浡泥國王麻那惹加耶乃率其妃弟妹男女陪臣來朝上

遣中官宴勞所過諸郡設宴比至上親享之宴其妃於三公府未幾卒于會同館上祭以禮葬安德門外賜謚曰恭順命其子遐旺襲封因有是請又遣官行人送歸其國十四年封柯枝國王可赤里爲國王并封其國中之山爲鎮國山上親製碑文系以詩蓋封外國山者凡四見皆出睿製詩文以炳耀夷裔且詞旨雋蔚斷非視草解楊諸公所能辦因思唐文皇帝威德力僅伸於漠北而屈於遼水一海夷如文皇帝威德恐直被東南古所未賓之國服嚴宏文昭回雲漢其盛萬福所未有也

仁宗一首

仁宗諱高熾成祖長子建元洪熙在位一年崩葬獻陵有御製文集二十卷詩集二卷

楊士奇三朝聖諭錄永樂七年贊善王汝玉每日於文華後殿道說賦詩之法一日殿下顧臣士奇曰人爲詩者其高下優劣如何對曰詩所以言志明良喜起之歌南薰之詩是唐虞之君之志最爲尚矣後來如漢高大風歌唐太宗雪賦酬百王除凶報千古作則所尚者霸力皆非王道漢武帝秋風辭志氣

已衰如隋煬帝陳後主所爲則萬世之鑑戒也如殿
下於明道玩經之餘欲娛意於文事則兩漢詔令亦
可觀非獨文詞高簡近古其間亦有可裨益治道如
詩人無益之詩不足爲也殿下曰太祖高皇帝有詩
集甚多何爲詩不足爲對曰帝王之學所重者不在
作詩太祖皇帝聖學之大者在尙書注諸書作詩特
其餘事於今殿下之學當致力於重且大者其餘事
不可姑緩殿下又曰世之儒者亦作詩否對曰儒者鮮
不作詩然儒之品有高下高者道德之儒若記誦詞
章前輩君子謂之俗儒人主尤當致辨於此

楊士奇東里文集仁廟好文重士樂善有誠時節宴

尹直譽齊項級錄仁廟在東宮時嘗觀二內侍象戲
因命曾子棟先生應制詩云興盡計窮征戰龍松陰
見太平君臣之器量見矣聞誠得軍情事一著功成
雙槐歲鈔仁廟潛心經學禮重宮寮文倣歐陽詩尙
選體名山藏仁宗有典有則模範雅訓不啻學士

冬至賜贊善徐好古

清朝盛文治輔德資儒耆念彼筋力倦趨朝諒非宜賦詩有
佳致納誨多良規起予得深趣歡懷浩無涯新陽屆初復況
此承平時酬勞有樽酒庶以勞期頤

朱彝尊靜志居詩話獻陵天稟純明雅志經術東朝
監國命徐贊善書述纂尚書直旨進講詩成亦命善

述改竄令旨呼其字而不名

阮元石渠隨筆明仁宗楷書今晨覽卿爲余所改之
詩甚是丰采清雋真有益於日新但今卿年邁恐輔
子爲勞似卿材百無一二而諛順顏者比比有之卿
無無憚勞弱成子業惟望藥石之言日甚一日毋務犯
鱗觸諱之慮子今欲學作表卿可一如詩題立例具
詩題與表題間日對進以口琢磨皇太子致書贊善
好古先生

宣宗

三首

宣宗諱曇基仁宗長子建元宣德在位十年崩葬景
陵有御製文集四十四卷詩集六卷樂府一卷

殿閣詞林記宣宗喜爲詩初卽位起學士李時勉而任用之一日幸文淵閣賜諸學士飲呼時勉謂曰卿非朕安得飲此酒時勉頓首辭曰臣可與陛下同飲不愧酒酌以御顧時勉頓首辭曰臣可與陛下同飲上悅命易以銀爵既醉上出御製詩俾廣之藝苑卮言宣宗天縱神敏長歌短章下筆卽就每南宮試輒自草程式文曰我不當會元及第耶昇山堂別集宣廟命陽武侯薛祿等率師築赤城等處賜之詩有出車命南仲城齊惟山甫句意不曉南仲山甫以問少傅楊士奇具言之且曰上以古之賢將待爾也祿乃拊心感泣

朱謀至書史會要宣宗時三楊蹇夏諸賢輔政泰交物朱謀筆端真天藻也

之際常有御製詩歌必親灑宸翰賜之行雲流水飛動

朱謀至書史會要宣宗萬幾清暇留神詞翰山水人

物寫蘆雁花草蟲隨意所在皆極精妙

之於萬物因物賦形不待矯揉各遂生成敬觀九鶴

柯玉珊瑚網章皇帝聖能天縱一出自然若化工

二圖柳絲鳥逸品

細過於髮一種生動之致又居

招隱詩

天之生賢道蒞厥身幼學壯行致君澤民伊傅孔孟皆古君子孜孜行道未嘗忘世秦漢之衰以退爲賢絕類離羣豈非違天嗟哉若人於世奚補區區百年草木同腐予嗣祖宗統臨萬邦求賢圖治宵旰遑遑羣才偕來布列在位道行身尊百世之貴繙彼山林豈無遐遺往而不來悠悠我思漱石枕流遠引高蹈雖逸於身而悖於道卷阿之恩梧桐鳳凰爾其幡然子將爾揚

減租詩

官租頗繁重在昔蓋有因此服田者本皆貧下民耕作既勤勞輸納亦苦辛遂令衣食微曷以贍其身殷念惻予懷故

述安得循下詔減十三行之四方均先王視萬姓有若父子
親茲惟重邦本豈曰矜吾仁

實錄宣德七年三月庚申勅諭行在部院近年百姓
稅糧遠運艱難官田糧重艱難尤甚自宣德七年爲
始但係官田塘地稅糧不分古額近額悉依五年二
月勅諭恩例減免中外該管官不許故違辛酉上退
朝御左順門謂尙書胡濶曰朕昨以官田賦重百姓
苦之詔減十之三以蘇民力嘗聞外間有言朝廷每
下詔蠲租稅而戶部皆不準甚者文移戒約有司有
勿以詔書爲詞之語若果然則是廢格詔言壅遏恩
澤不使下流其咎若何今減租之令務在必行書曰
民爲邦本固邦甯有子曰百姓不足君孰與足卿
士人豈不知此朕昨有詩述此意卿當體念勿
忘也

詠撒扇

涼
湘浦烟霞交翠剝溪花雨生香掃卻人間炎暑招回天上清

梅純損齋備忘錄宣廟詩多六言如過史館云蕩蕩

堯光

四表巍巍

舜德

重華

祖考

萬年

垂統

乾坤

六合

爲家

上林

春色

云山

際雲

閒曉色

林間鳥

弄春音

物

意皆合

春意

天心允

合吾心

二詩今人

家往往有石

刻摹木蓋

石不在禁中

故人多得之

臣又嘗於故家

獲觀啄撒扇

一首與前二詩皆一視

同仁氣象而此

一章尤有克治

之意大抵皆以

天地萬物爲一體真

帝王之言也

毛奇齡西河詩話舊宮中用撒扇合竹骨二十條黏

以藍紗撒大庇

金而以木柄之可收

可放自司禮

掌印至管事牌子皆得於夏月取用明宣廟御製洲

浦烟霞交翠

六字詩卽賦

此物

英宗

二首

英宗諱祁鎮宣宗長子建元正統十四年北狩弟郕

王祁鉉奉皇太后令卽皇帝位改元景泰尊帝爲太

上皇帝景泰元年帝還自北居南宮七年奪門復辟

改元天順八年崩葬裕陵有御製詩文一卷

雙槐歲鈔北京自元建大都已有所謂八景不知何人品題至我朝太宗文皇帝因潛淵定天邑當時翰林諸儒臣胡廣輩作八景詩傳播海內天順辛巳端午節英宗睿皇帝賜文武侍臣以扇有御製七言古詩十首凡千一百二十言卽前所謂八景曰瓊島春雲太液晴波薊門煙樹西山霽雪居庸疊翠玉泉垂虹藍溝曉月金臺夕照而益以二景則東郊時雨南園秋風也明年壬午亦以端午賜扇扇面御製清暑代解悶二歌大概言爲臣者仰輔上德俯恤民窮助隆經傳格言以示訓飭越一二日乃召大臣於內殿賜象骨銀釘銕書以示訓飭越一二日乃召大臣於內殿賜象骨銀釘銕扇然但畫以物象其有御製詩惟此二年爲然田按裕陵御製詩文一冊不見傳本予檢廖道南楚紀有賜襄憲王瞻培御製襄陽四景歌云適情細膾椎頭駆洽歡滿泛宜城酒又云無窮風景覩山亭亭前數點峰巒新葉滿林驚綠暗驕陽入戶延朱明又云賢王此日多清賞臺榭虛明隔塵鞅瑤階澄澈水晶簾冰簾淨涵雲毋帳又云滿贮寒瓜薦蒼玉細山耿耿廣庭清露滴高槐越竺生涼湘簾冷又云鹿門下行吟客冒冷尋香日幾回詞旨詔令可錄入摘

句圖也

峴山歌賜襄王

於皇祖宗混八方兮裂土而封命同姓兮維予叔父王於襄
兮襄多山川甲諸邦兮有巍者峴禹所荒兮垂千萬年歸我
祖宗不可以爽兮惟澤日茂惟德日章煌有光兮保茲峴山
樂無央兮子孫孫子永無疆兮

漢江歌賜襄王

漢江滔滔出嶓冢兮偉茲巨浸壯南邦兮萬有千里流無窮
兮逶逶迤迤志必東兮於戲漢水殆與天地同始終兮

廖道南楚紀天順四年英宗皇帝御製峴山漢水賦
賜襄王以其有奉迎六飛恢復九宸諸疏故嘉賞焉
粵稽諸古大舜卿雲之歌文王鳴鳳之詩太和氣
氤氲于帝藻逮乎漢祖大風之詞霸心猶在唐宗興

慶之詠王述猶微惟吾皇祖親撰鍾山之賦及閱江詩英廟載製峴山之賦及漢水諸詠直可追軼東休上媲姬美豈漢唐諸君所企及哉

憲宗一首

憲宗諱見濟初名見深英宗長子建元成化在位二十三年崩葬茂陵有詩集四卷

名山藏憲宗時御翰墨作爲詩賦以賜大臣諸司章
奏手自披閱字盡差錯亦蒙清問臣下莫敢或欺
珊瑚納憲廟御筆皆神像及金瓶金盤牡丹蘭菊梅
竹之類今觀山水小景瀟灑出塵宛然勝國氣韻蓋
聖能天縱自各極其妙也

闕里孔子廟詩

天生孔子縱之爲聖生知安行仁義中正師道興起從游三千往聖是繼道統流傳六經既明以詔後世三綱五常昭然

不替道德高厚教化無窮人極斯立天地同功生民以來卓乎獨盛允集大成實天所命有天下者是尊是崇曰性聖道曷敢勿宗顧予眇躬承此大業惟聖之謨於心乃愾用之爲治以康兆民聖澤流被萬世聿新報典之隆尤在闕里廟宇巍巍于茲重美文諸貞石以光於前木鐸遺響於千萬年

田按成化四年六月闕里重修孔廟成武陵御製碑文並系以詩八月御製碑亭成衍聖公孔弘緒具表謝十二年祭酒周洪謨請加孔廟邊豆詔從之增爲十二遺學士商輅告文廟王獻告於闕里余檢吳寬匏菴家藏集有曲阜重修夫子廟碑詩云於赫皇明建國十紀文教誕敷及遠自邇明聖得師維道賴誕尊之崇之有樂有禮紛其羽籥錯其簫瑟謂此器數罔恢仰企乃詔有司乃鳩役使乃伐堅石乃削文梓長廡重門崇簷厚址剝落以完漫漶以珉革故爲新衆目改視是成化中兩修闕里孔廟匏菴詩中述及羽籥簫瑟當在十二年增加遺豆後矣

孝宗一首

孝宗諱祐樘憲宗長子建元弘治在位十八年崩葬
泰陵有詩集五卷

翰林記弘治初上注意講學遣太監戴義傳示聖意
命學士李東陽等各撰詩十首用寓啟沃東陽擬十
題各撰七言律詩一章曰敬天曰法祖曰勤政曰務
學曰任賢曰納諫曰節用曰愛民曰恤刑曰講武上
嘉納焉
靜志居詩話泰陵聖學緝熙德修時敏非惟政事之
勤實啟人文之化置永樂大典於便殿暇卽省覽又
命儒臣集歷代御製詩以爲規範其賜李東陽靜中
吟一首論者謂同二帝典謨三王訓誥焉
晝史會要孝宗萬幾之暇游筆自娛點刷精妍妙得
形似

闕里孔子廟詩

聖人之生天豈偶然命之大君俾贊化權二帝三王君焉克

聖繼天立極道形於政大化既洽至治斯成巍巍蕩蕩渾乎
難名周政不綱道隨時墜孔子聖人而不得位乃稽羣聖乃
定六經萬世之師於焉足徵自漢而下數千餘歲褒典代加
有隆勿替於皇吾祖居正體元六經是師卓爾化原列聖相
承先後一揆逮及朕躬思弘前軌廟貌載崇祀事孔禋經言
典訓彌謹彌啟俗化治成日升川至斯道之光允垂萬世

李東陽懷麓堂集弘治甲子春正月重建閣里孔子
廟成上親製碑文祝辭遣臣東陽申祭告臣東陽奉
命以閏四月丁卯陞辭癸未至於廟衍聖公臣聞詔
率族人迓於郊遠近大小來會者數百計前三日時
雨降及期雨霽禮成之後星月朗耀神人欽仰歌工
舞佾奉器執事之臣下逮胥吏僕從皆忻忻然如雲
之從風水之赴整有不令而集者敢紀成事用告來

世

世宗 一首

世宗諱厚熜興獻王子憲宗之孫武宗無子入繼大
統建元嘉靖在位四十五年崩葬永陵有詒學詩一
卷宸翰錄一卷詠和錄一卷咏春同德錄白鵲贊和
集一卷

名山藏世宗中興藩服淹貫經史傑作奇思遠繼高

帝殿閣詞林記嘉靖八年正月元夕臣道南應制撰燈
詞十五首以進上親製一章云黃道開蓬殿青陽溢
泰穹賞春縱令節養志自慈宮珠佩軒車從霞觴祝
頌同千秋還萬歲物阜與民豐九年七月敬一亭成
上復命儒臣落成錫宴進詩十年演馬環碧殿御製
歌詞賜同遊諸臣和之十三年臣自徽州賜環上親
灑鍾粹宮詞命和之賜金綺有差
弇山堂別集肅廟以禮部尚書席嘗病目賜詩問之
期以弼亮以刑部尚書趙鑑致仕賜詩送之嘉其止
足皆龍箋御墨天書爛爛真傳家之至寶耀世之盛

事也野獲編世宗初政每於萬幾之暇喜爲詩時命大學

士費宏楊一清更定或御製詩成令二輔臣屬和以進一時傳爲盛事而張璁等用事自愧不能詩遂諱

章攻宏誚其以小技希恩上雖不詰責而所出聖製漸希矣上嘗命一清擬賦上元詩進呈有愛看冰輪清似鏡上以爲似中秋改云愛看金蓮明似月一清疏謝以爲曲盡情景不問而知爲元宵矣聖資超悟

殊非臣下所及信乎非一清所及也惜爲璁輩所攬使天縱多能不遑窮神知化耳

欽天頌

予質也昧上荷簡在答貺無由心銘忻戴庚寅仲冬典禮肅
雖惟日長至戒誓肅恭大報皇天庸秉微虔獻以馨齊薦以
蒼瑄禮嚴禋燎樂備黃鍾頓首誠惶仰瞻帝容帝錫洪仁俯
鑒微忱露垂上瑞福敷下民神功惟祖超今邁古遺我小孫
祥湛湛瀼瀼綴若珠玉津潤甘香注之瑤筭稽首而迓薦于

祖考滋我禾稼承以金觥色溢精瓊呈于慈闈增算延生浩
浩蒼穹錫我年豐朕拜稽首祇謁愚衷蕩蕩昊慈元樞不息
幹運四時惟帝之力曰雨曰暘亶賴穹蒼嘉祝眇昧家國平
康感恩曷已敢爾恣侈夙夜勉修以拜帝祉

神宗一首

神宗諱翊鈞穆宗長子建元萬曆在位四十八年崩

葬定陵有集一卷

野獲編今上以沖聖御宇張江陵相公進帝鑑圖說
以勸請內列聖哲芳規任愚覆轍二項以寓勸戒自
是益勤史學更命進講貞觀政要至十六年閣臣進
太祖御札在內閣者凡七十餘通上命留內恭藏因
索累朝實錄進覽閣臣對以實錄成時史臣俱會同
裁稿於芭蕉園人間並無底稿惟皇祖世宗特建皇
史宬以藏列聖寶錄實訓但冊樣稍廣宜減爲書冊
庶便展閱容令中書官賜進陸續上呈上允之由是

金匱石室之藏俱登乙覽矣
于慎行穀城山房集上初卽位好爲大書內使環立
求書者嘗數十紙而外廷臣僚得受賜者惟內閣講
臣而已字聲遒勁鸞迴鳳舞時聖齡十餘歲矣丙子
張公位及慎行補入講幄上顧相君曰新講官二人
尙未賜與大字內使已濡墨俟上遂大書二幅賜位
及慎行字畫比賜諸公者稍大莊勁勝前時御齡已
五十矣

續王筠詩談司禮張維薈人也少侍今上春宮爲予
言上初學詩詠新月云天邊一輪月其形光皎潔可
比聖人心乾坤多照徹帝王氣象宛然二十字中
錢謙益列朝詩集上天藻飛翔留心翰墨每擣太令
鴨頭丸帖虞世南臨樂論米芾文賦以自隨勸學詩
一章御書賜太監孫隆刻石吳中者也內府藏顏魯
公書孝經命江陵相裝潢題識珠囊絳几未嘗一日
去左右喪亂之後朝士以百錢買得之魯公法書精
楷假如麻姑仙壇每章有吳道子畫精彩映發手若
未觸天球琬琰零落人間矣

漷縣景命殿詩

翼翼京邑漷水襟之璇源遠濱載奠坤維尊靈長樂歎洽重

閩縣縣景命百祿咸宜瞻茲湯沐啟瑞集禧周原膾膾寶殿
攸基重門邃閣崇敞遙巡仁祠左拱靈宇右麗甍連棟接鳥
革翬飛虹祥式闡慈念載怡爰及薄海耀景咸熙聖母之德
綏此蒸黎百千萬祀永永無壞

靜志居詩話景命殿在潔縣永樂店萬曆三十六年
勅建爲孝定皇太后祝釐俗所稱九蓮菩薩者是

莊烈帝

一首

帝諱由檢光宗第五子天啟七年以信王入踐大位
建元崇禎在位十七年寇陷京師殉社稷葬思陵

沈萬世破夢閒談上經營天下十有七年恭儉似李
文英果類世廟白皙豐下瞻視威嚴聲若洪鐘韻書

日盈寸手書逼似歐陽率更

杜洛叟雅堂集烈皇帝作松風二字大不盈尺端勁

軒翥非一時文士筆力所及

吳偉業殺寇紀略崇禎十二年上佩楊嗣昌以督師

輔臣印嗣昌陞辭先期光祿寺設餐於平臺上親爲之起酌醴命左右宥以飲之者三樂作一小黃門奉黃封立於旁發之御製七言詩一章臘梅今暫作干城上將威嚴細柳營一掃寇氛從此靖邊期教養遂生民嗣昌跪而誦之拜且泣

賜石砫土司秦良玉

蜀錦征袍手製成桃花馬上請長纓世間不少奇男子誰肯沙場萬里行

宋長白柳亭詩話秦良玉石砫女官也崇禎間帥師勤王召見御製詩四首旌之按良玉策楊嗣昌邵捷春必敗可謂洞晰機宜甲申諸將得毋人人巾幘者乎錦織夫人紺旗娘子不能專美於前

光緒丁酉貴陽
陳氏聽詩齋刊

明詩紀事卷一下

貴陽陳田輯

甲籤

翰林記吳元年七月乙亥先是命選道童俊秀者充樂舞生至是始集上御戟門召學士朱升領之入見設雜樂閱試上親擊石磬命升辨識五音升以官音爲徵音上復歎曰古者作樂以和民聲格神人而與天地同和近世儒者鮮知音律之學欲樂和顧不難耶其後翰林諸儒臣梁寅等分爲之永樂元年九月詔侍臣曰皇考功德隆盛祖宗樂章未有稱述爾等其議爲之也於是學士王景等擬述以聞然竟未施行蓋缺典也

靜志居詩話魏樂府不成於曹劉而成於穆襲晉樂謝而成於潘左張陸而成於傅玄宋樂府不成於鮑參印皆屬恨事明洪武樂章率出四學士之筆嘉靖永樂

之詞假孝陵改命伯溫季迪

陵改命稊欽君采則其辭定遠追奚斯考父之盛不

樂作周廷一樂林意歌者樂御本禮當一人撰梁寅方邱初郊社樂章黃朝廟樂章孝陵御製之外其可考
章率頌制一章承自之鄙清六部太初尚書充有擬郊廟樂章故有此作則撰樂章是時寅在禮局承檢
播諸議席之數歷詹一侍不先是上厭階大製宴享洪武四年六月吏部尚書樂章顧謹中
章頌制被學流俗喧製凱前平明奏樂章成上之其曲唇貢詔
廟廟貴人章宗初學流俗喧製凱前平明奏樂章成上之其曲唇貢詔
者手頌鳳詞人命錢等上之樂章既成入四曰品物享五曰同章寅貢詔
合言之有鉅撰樂製悉屏有和平協音容悅甚曰曰同章寅貢詔
雅製矣至嘉靖末不得旨先師六年廣音律者甚曰曰同章寅貢詔
當時明一云與此孔年大制歌朝可子翰之者甚曰曰同章寅貢詔
擬代制歌朝可子翰之者甚曰曰同章寅貢詔

諸篇亦附見於後云

洪武元年祀社稷異壇同壇樂章

崇壇北向明禋方闢有潔犧牲禮因物顯大房載設中情以展景運旣承神貺斯衍

右進俎凝和之曲

高爲山林深爲川澤崇邱廣衍亦有原隰惟神所司百靈效職清醴初陳昭格

右大社初獻壽和之曲

質錄洪武元年二月戊申上親祭大社太稷大社設正位在東配以后土西向大稷設正位在西配以后稷東向大社大稷位各用玉兩邱幣黑色牲用犧一羊一豕一邇豆各十簠簋各二劍三后土后稷位並同但不用玉先期皇帝散齋四日致齋三日先祭一日設大次於社稷門外之西南向設御位於壇內當

兩壇之北居中南向皇帝服皮弁服備法駕詣大次
神事官各實尊彝簠簋有司陳設如儀至日清晨諸執
卿冠絳紗袍樂舞生及諸執事官陪祭官入就位太常卿奏中嚴皇帝服通天
行奏廣和之曲贊禮唱請行禮太常卿奏有司謹具請
前真王帛皇帝詣盥洗位摺圭盥帨出圭上香奠
前協律郎舉麾樂奏肅和之曲皇帝跪摺圭上香奠
玉帛出圭再拜興次詣后土神位前次詣大稷壇大
稷后稷神位前並如大社儀復位贊禮唱進俎協律
前俎郎舉麾樂奏凝和之曲皇帝跪摺圭上香奠
玉帛出圭再拜興次詣后土神位前次詣大稷壇大
稷前再上圭也如大社儀復位贊禮唱進俎協律
德前並如大社儀復位贊禮唱進俎協律
之舞終獻酌酒奠爵以授執爵官出圭詣酒尊
齊樂亞獻酌酒奠爵以授執爵官出圭詣酒尊
齊樂壇讀皇帝俯摺位所捐盥
齊樂大稷后稷神伏位前并文

同初獻但不用祔獻畢太常奏飲福受胙皇帝詣飲福位再拜跪摺圭執事官以爵酌福酒跪進皇帝受爵祭酒飲福酒以爵置於坫奉胙官奉胙跪進皇帝受胙以授左右出圭俯伏興再拜與皇太子以下皆再拜大稷壇如之復位贊禮唱微豆協律郎舉麾樂奏雍和之曲掌祭官各徹豆贊禮唱送神協律郎舉麾樂奏安和之曲皇帝再拜皇太子以下皆再拜讀祝官取幣奉幣官取幣掌祭官取牲饋詣瘞所置於坎內皇帝詣瘞位執事置士於坎實土至半太常卿奏禮畢駕還大次解嚴

洪武元年祔享太廟樂章

維我皇祖淑後貽謀盛德靈長與泗同流發於孫枝明禋載修嘉潤如海恩何以酬

右熙祖廟初獻壽和之曲

承先人之德化家爲國母曰予小子基命成績欲報其德昊天罔極慄懃三獻我心悅懌

右終獻熙和之曲

樂奏具肅神其燕嬉告成於祖亦右皇妣敬徹不遲以終祀
禮祥光煥揚錫以嘉祉

右徹豆雍和之曲

顯兮幽兮神運無迹鸞馭逍遙安其所適其靈在天其主在
室子子孫孫孝思無斁

右送神安和之曲

實錄洪武元年四月丁未祫享大廟德祖皇帝妣神
位居中南面懿祖皇帝妣神位居東第一位西向廟
祖皇帝妣神位居西第二位東向仁祖皇帝妣神位
居東第二位西向先期皇帝散齋四日致齋三日前
祭一日皇帝服通天冠緯紗袍省牲祝鼎鑊滌漑有
司陳設如儀至日清晨皇太子奉迎各廟神主合祭
於德祖廟車駕至大次太常卿奏中嚴皇帝服袞冕
太常卿奏外辦皇帝入就位贊禮唱迎神協律郎舉

塵樂奏泰和之曲贊禮唱請行禮太常卿奏有司謹
具請行事皇帝再拜贊禮唱奠帛行初獻禮皇帝詣
盥洗位搢圭盥帨出圭詣酒尊所搢圭出爵受醴齊以爵
爵受執事者出圭詣德祖神位前協律郎舉麾樂奏壽
興再拜執事者出圭詣祖神位前次詣熙祖神位前次詣仁
訖皇帝俯伏興再拜復位贊禮唱行亞獻禮各掌祭
官以爵受酒尊於神位前次詣熙祖神位前次詣德祖神位前次詣
其終獻樂奏熙和之樂奏曲豫和之曲文德之舞儀同亞獻禮各掌祭
皇帝再拜飲福則四代共之贊禮唱文德之舞儀同亞獻禮各掌祭
飲福位再拜跪搢圭俯執事官以爵受福酒跪進皇帝帝詣
受胙以授左出圭俯執事官奉胙官奉胙酒跪進皇帝帝詣
協律郎舉麾樂奏雍和之曲掌祭官各微豆贊禮唱望
取祝位執事者以炬燎火柴半燎所贊禮唱望
奉神主還各廟駕還大次解嚴

洪武六年釋奠先師孔子樂章

大哉宣聖道德尊崇維持王化斯民是宗祀有常精純益
隆神其來格於昭聖容

右迎神咸和之曲

自生民來誰底其盛惟王神明惟王後改曰維師度越前聖乘帛具
成禮容斯稱黍稷非馨惟神之聽

右奠帛甯和之曲

大哉聖王實天生德作樂以崇時祀無數清酤惟馨嘉牲孔
碩薦羞神明庶幾昭格

右初獻安和之曲

百王宗師生民物軌曠之洋洋神其甯止酌彼金罍惟清且
旨登獻惟三於戲成禮

右亞終獻景和之曲

犧象在前豆籩在列以享以薦旣芬旣潔禮成樂備人和神悅祭則受福率遵無越

右微饌咸和之曲

有嚴學宮四方來宗恪恭祀事威儀雍雍歆格惟馨神馭旋復明禋斯畢咸膺百福

右送神復奏咸和之曲

實錄洪武六年八月翰林承旨詹同侍講學士樂韶鳳等上所製釋奠先師孔子樂章禮部尙書牛諒復以所定禮儀進其儀前祭一日太常司官奏某月遣官祭先師孔子齋一日次日清晨皇帝服皮弁服御奉天殿傳制遣官是日獻官承制畢往祀所省牲將祭樂舞生就位執事分獻陪祭官各就位引贊引獻官就位典儀唱迎神典樂舉麾奏咸和之曲獻官以下各四拜典儀唱奠帛行初獻禮典樂舉麾奏甯和

之曲獻官詣盥洗所搢笏盥手出笏典樂舉麾奏
和之曲文德之舞獻官詣酒尊所執事者以爵受酒安
獻官詣大成至聖文宣王神位前跪讀訖獻官俯伏興平身次詔受酒安
出笏執事者取祝跪讀訖獻官俯伏興平身次詔受酒安
國鄉國沂國鄒國公神位前皆如上儀復位典儀復位
行亞獻禮典樂舉麾奏景和之曲執事者以爵酌獻酒充爵
奠於神位前典儀唱行終獻禮行分獻禮其終獻禮唱充爵
典樂舉麾奏景和之曲儀同亞獻亞終舞皆同初獻禮唱充爵
爵進獻官飲福受胙獻官詣飲福位跪搢笏執事者以爵酌獻酒充爵
伏興平身復位再拜分獻官及陪祀官皆再拜興平身次詔受酒安
唱微儀典樂舉麾奏咸和之曲執事者各詣神位前跪讀訖獻官俯伏興平身次詔受酒安
微儀典樂舉麾奏咸和之曲執事者各詣神位前跪讀訖獻官俯伏興平身次詔受酒安
所獻官詣望座位禮畢制曰可

洪武十五年重定宴饗九奏樂章

田按實錄洪武十五年正月朔上御奉天殿受朝賀
宴羣臣於謹身殿初上命儒臣重制侑食九奏樂章賀
至是大宴始奏用之一奏炎精開運之曲二奏皇風
之曲三奏春皇明之曲四奏天道傳之曲五奏振皇

綱之曲六奏金陵之曲七奏長楊之曲八奏芳醴之
曲九奏駕六龍之曲考明制大宴凡四大祀慶成
大宴一萬壽聖節大宴一冬至大宴一正旦大宴皆
用此樂章朱氏詩綜但題作慶成宴樂章非其實也
永樂十八年重定宴饗樂章一奏上萬壽之曲二奏
仰天恩之曲三奏感地德之曲四奏民樂生之曲五
奏感皇恩之曲六奏慶豐年之曲七奏集福應之曲
八奏永皇圖之曲九奏樂太平之曲亦是四大宴通
用至嘉靖間續定慶成宴樂章則專用於慶成宴矣

炎精開運篤生聖皇大明御極遠紹虞唐河清海宴物阜民
康威加夷獮德被戎羌八珍有薦九鼎馨香鼓鐘鑄宮徵
洋洋怡神養壽理陰順陽保茲遐福地久天長

右一奏炎精開運之曲

皇風被八表熙熙聲教宣時和景象明紫宸開繡筵龍袞耀
朝日金鑪裏祥煙濟濟公與侯被服麗且鮮列坐侍丹宸磬

折在周旋羔豚升華俎玉饌充方圓初筵奏南風繼歌虞載篇瑞觴欣再舉拜俯禮無愆同樂及斯辰於皇千萬年

右二奏皇風之曲

赫赫上帝眷我皇明大命旣集本固支榮厥本伊何育德眷宮厥支伊何藩邦以甯慶延百世澤被羣生及時爲樂天祿是膺千秋萬歲永觀厥成

右三奏眷皇明之曲

馬負圖兮天道傳龜載書兮人文宣羲畫卦兮禹疇敘皇極建兮合自然綿綿厯數歸明主祥麟在郊威鳳舞九夷入貢康衢謠聖子神孫繼祖武垂拱無爲邁前古

右四奏天道傳之曲

周南詠麟趾卷阿歌鳳凰藹藹稱多士爲楨振皇綱赫赫我
大明德尊踰漢唐百揆修庶績公輔理陰陽哉冠正襟佩都
俞在高堂坐令八紘內熙熙民樂康氣和風雨時田疇見豐
穰獻醴過三爵歡娛良未央

右五奏振皇綱之曲

長楊曳綠黃鳥和鳴菡萏呈鮮紫燕輕盈千花泡露日麗風
清及時爲樂芳尊在庭管音喈喈絲韻泠泠玉振金聲各奏
爾能皤皤國老載勸載懲明德惟馨垂之聖經唐風示戒永
保嘉名無已太康哲人是聽

右七奏長楊之曲

夏王厭芳醴商湯遠色聲聖人示深戒千春垂令名惟皇登

九五玉食保尊榮日昃不遑餐布德延羣生天庖具豐膳鼎鼐事調烹豈但資肥甘亦足養遐齡達人悟茲理恆令五氣平隨時知有節昭哉天道行

右八奏芳醴之曲

明會典洪武二十六年定大宴儀是日尚寶司設御座於奉天殿錦衣衛設黃麾於殿外之東西金吾等衛設護衛官二十四員於殿東西教坊司設九奏樂歌於殿內設大樂於殿外立三舞雜隊於殿下光祿司官設酒亭於御座下之西膳亭於御座下之東珍羞醯醢亭於酒膳亭之東西設御筵於御座之東西設羣臣四品以上位於殿內之東西設羣臣酒尊食卓於殿外設五品以下位卓於東西兩廊司壺尚食各供乃事引禮引羣臣殿外東西相向立儀禮司跪奏請升座駕輿大樂在升座鳴鞭樂止鳴鼓引文武司官四品以上由東西門入殿中橫班北向立五品品以次官列於殿外丹墀北向立樂作鼓樂止光祿司官開爵注酒排詣御前樂止進花樂止光祿司官進爵酒

教坊二散拜羣臣。吹飲羣臣復候。左舞畫坐。漆畫難。執雄雞。入皇殿。訖臣奏訖。平司坊。金眉之青袍。舞作柄。執入教序。帝座上止。樂酒皇樂身跪。司坊東每旌絲羅紅鶴。擊羽千坊。班止。教風止樂。奏跪髮層長大銷羅。花刺金妝。中千坊。班著卽樂光坊之序。止進奏冠用七緋金銷窄。之狀。斧畫升三跪。羣臣供作祿司曲。班贊酒一紫塗尺錦。沿金袖。神皆分龍。五尺五寸。次次就位。羣臣各飲奏紗金五臂。紅裙衫。皆爲雲龍。次次就位。羣臣各飲。奏作進光羣臣。精鑽寶寸。綉白冠。爲定舉湯起進。進光羣臣。贊酒祿臣。開羅紅雲項色。絹金行右。上天皇樂立湯酒祿臣。盡序班隨外官。通大絲漆頭。紅畫襯。東髮每行。秉戒一尺。下帝止光鼓。吹皇官。第進光鼓。候司盡酒。內袖綠柄。阜結衣衫。行八尺。入舞湯坊。司譽帝掛。酒御酒。臣伏贊衫穿金靴子。沿錦冠。入長下舞訖。司官節。舉前羣臣。外紗垂吞。師絹白。紅紛舞。二廣士贊跪。進前羣臣。外紗口二束羅。羅綬作尺六三。儀奏湯導前羣臣。外衫結懸人腰。銷青發五寸。十成進御至殿。散樂司花樂皆錦子五。執塗金。金羅揚踏。寸朱二質人。止樂湯前羣外次隨領皆色。旌金汗大。生質上武。作臣鼓舉。贊奏作四愈冠羽。以束袞祔。祔色。皆紅質上武。作臣鼓舉。贊奏作四

青一金紅傍腰色冠蠻手織朝銷銷紺金領綴點奏三金
銷微吹漆伏合細絹帶巾金天金絲束袖塗紅舞奏東
金紅帶柄之鉢褶鼠綠泥短髻羅汗細帶紅金銷安春帶
沿纓末金狀卓襖皮銷金襖繫香袴褶烏羅環金四夷明雲頭
塗紫垂龍舞皮子簷金項子紅囊紅襖皮銷明頭之山阜靴
金羅紅吞師藍雙擁牌綠羅紅銷子鞋金金繩耳紅舞樂作舞士
束帽粉口二青垂項金織生絹金大西裙耳青環羅舞樂作舞士
帶襯結懸人二夷生髻紅珠金色擁沿紅戎青環羅舞樂作舞士
緣紅子五執各色紅結纓細銀項繫腰生金羅金十進畢
擁綠皆綠幢爲雲銷子絡袒錠紅結合色額人如第
項金戴羅以一肩赤綵短紅結合色額人如第
紅繡白幢引行紅頭皮小袒銷子鉢錦紅疊中東前儀爵
結襖捲五之舞結纓金絨金赤十綠纏生衣綴四樂酒
子子簷層幢作子紅北鉛綿抹皮字綠纏生衣綴四樂酒
赤白簷每長非紅羅狄錦袴額靴泥生頭絹大塗人正教
皮銷相層七蹠鉛銷四行子明南金蠻數沿金衫衫博推教坊
靴金塗綴尺朝金人鎮間金蠻數沿金衫衫博推教坊
舞汗金五玉韻汗抹泥道耳四珠鑾耳錦紅山髻坊司
華袴帽色寸喜荷領單金紺環人五青環領生丙於司蹠
出藍頂銷殊蹠擊諸于獅絲紅綰色羅紅塗色旁後蹠奏

如第四爵酒教坊司跪奏四奏天道傳之曲樂作進
二人左執籥箭長三尺五寸硃紅漆笙竹爲之上聞十湯
三爵右秉翟翟長一尺五寸硃紅漆笙竹爲之
級子分爲四行每行人舞坐作進退舒徐揖讓升
陣之狀皆冠黑光描金方山冠青紛纓衣素紅羅大
袖衫紅生絹襯衫錦領紅羅擁項紅結子塗金束帶
翻白絹大口袴白布襪芥褐鞋舞師二人執翫以引之
用塗金寶蓋紅絲縫穿末垂紅絲結子冠服與舞
同惟大袖衫用青不用紅羅項紅結子舞畢出第八爵
爵酒教坊司跪奏五奏振皇網之曲進酒如前儀教坊司
跪奏六奏金陵之曲進酒進湯如前儀教坊司跪奏七爵
爵酒教坊司跪奏百戲承應舞畢出第九爵酒教坊司
跪奏八爵寶進呈舞畢出第七爵酒教坊司跪奏七爵
爵酒教坊司跪奏八奏芳醴之曲進酒進湯如前儀教坊司
跪奏九爵酒教坊司跪奏九奏鶴六龍之曲進酒如前儀
飲訖光祿司官收御前爵序班隨收羣臣蓋光祿司承
官進湯進大膳大樂作羣臣起立進詁復坐序班隨司儀第
月奉上卷

供羣臣飯教坊司跪奏進膳食訖贊膳成樂止光祿司官收膳訖教坊司跪奏百花隊舞承應舞畢出鳴贊唱撤案序班撤羣臣卓訖光祿司官卽撤御案贊宴成羣臣皆出席向北立序班卽撤羣臣座殿外官皆詣丹墀北向立贊勗躬樂作贊四拜興平身樂止羣臣分東西立儀禮司跪奏禮畢駕輿大樂作鳴鞭百官以次出

嘉靖九年祀先蠶樂章

載舉清觴蠶祀孔明以格以享鼓瑟吹笙陰教用彰坤儀永貞神之聽之鑒此禋誠

右亞獻順和之曲

神之格思桑土是宜三繅七就惟此繭絲獻禮有終神不我遺錫我純服藻繪皇儀

右終獻籥和之曲

范守己肅皇外史初夏言清理皇莊事竣疏言宜將
負郭官莊改爲親蠶廠種植桑柘以備蠶事戶部覆
議不合而止嘉靖九年二月郊祀言奉命分獻南海
因而有感遂疏請舉親蠶禮帝嘉納之勅戶部建壇
尚書梁材上言宜建於皇城南內或西內堪備蠶事
帝曰周禮耕蠶分於南北郊其蠶於禁中唐人便安
之制不可爲法於是禮部尙書李時等請行於北郊
酌治蠶之禮定壇壝之向側采桑之器擇掌壇之官
輦車出入或從東華門或從元武門用謹原內臣用
肅宮禁帝從之命輦車出入由元武門其壇制殺先
農什一建具服殿蠶室蘭館俱如古制仍於西內營
織堂以終蠶事

明會典嘉靖九年初建先蠶壇於北郊歲春擇日皇
后躬祀先蠶行親蠶禮十年改築壇於內苑致祭行
親蠶禮齋戒前期三日尙儀奏致齋三日內執事並
司贊六尚等女官及應入壇者各齋二日王祭先一
日蠶官令陳樂女生位於壇南設皇后拜位於壇下
北向次公主次內命婦次外命婦拜位俱異位重行
西北向設內贊位於壇南設司贊位於皇后拜位之東
西設司賓位於外命婦班之北東西相向皇后至壇
所入具服殿少憩司賓先引外命婦列於先蠶壇下
東西相向以北爲上尙儀諸皇后前奏請皇后易禮

服出殿門將至壇內贊唱樂女生就位執事官各司其事導引女官導皇后至拜位司贊奏就位次公主次內命婦又次外命婦各就拜位內贊唱應毛血迎神奏貞和之曲樂作樂止司贊奏四拜公主以下同內贊唱奠帛行初獻禮奏壽和之曲樂作執事官捧帛爵跪於神位前各奠訖樂暫止內贊唱讀祝司贊奏跪皇后跪公主以下同讀祝女官跪於神位前右讀訖樂作司贊奏興皇后興公主以下同樂止內贊唱行亞獻禮奏順和之曲樂作執事官捧爵跪奠於神位前訖樂止內贊唱行終獻禮儀同亞獻奏甯和皇后跪執事女官進立壇東西向唱賜福胙司贊奏跪奠於皇后飲訖執事女官以福酒跪進於皇后右奉飲福酒皇后受胙訖司贊奏興皇后興司贊奏二拜公主以下同內贊唱撤饌奏安和之曲樂作執事女官詣神位前撤饌迄止內贊唱送神奏恆和之曲樂作司贊奏畢司贊唱讀祝官奉祝執事官捧帛爵各詣座位樂止司贊唱禮畢皇后還具服殿更常衣行親齋禮

嘉靖十年大禘樂章

於惟皇祖肇創丕基鍾祥有自曰本先之在有萬方作之君
師迨報宜隆以申孝思瞻望稽首介我休禧

右迎神元和之曲

木有本兮水有源人本祖兮物本天恩報德兮禮莫先仰希
鑒兮敢弗虔

右初獻壽和之曲

田按嘉靖十年帝以禘義詢大學士張璁令與侍講
學士夏言議言撰禘義一篇獻之大意謂自秦漢以
來封建之制廢無世家譜牒不明莫知其祖所出自
若必欲如虞夏商周之禘黃帝帝堯則旣無所考若
必欲強求其人以事穿鑿如唐之以明爲祖則又非
孝子慈孫之所忍爲謹推明古典采酌先儒精微之
論宜爲虛位以祀帝深然之會中允廖道南謂朱氏
爲顓頊裔請以太祖實錄爲據禘顓頊遂召禮部以
言道南二疏會官詳議大學士璁首言言虛位者求
之虛則失之無言顓頊者求之遠則失之誣惟禘德

祖爲當羣臣以璁言爲是帝意主虛位令再議言復疏論禘德祖有四可疑德祖自開國以來享始祖之祭舊矣今又以爲所自出之帝是不過强易置其名從耳且禘以德祖祫以太祖則懿熙仁三祖既不得相併下其章諸臣乃請設虛位以禘皇初祖南向奉太祖配西向禮部上大禘儀注前期告廟致齋三日備香帛牲醴如時享儀至日行禮如大祀圜丘儀樂章迎神元和之曲初獻壽和之曲亞獻仁和之曲終獻德和之曲微饌太和之曲送神永和之曲

嘉靖十一年雩祀雲門曲

景龍精兮時見測鵠緯兮宵懸肆廣樂兮鑑鑄列皇舞兮蹠
蹠祈方祉兮不莫薦圭璧兮孔慶需密雲兮六漠霑甘澍兮
九元慰我農兮旣渥錫明昭兮有年

靜志居詩話嘉靖十一年禮臣等議曰郊以禮爲重
雩以樂爲主合照圓邱樂舞之數以四方之色成樂
後九奏樂止之時命詞臣櫟括雲漢詩詞別製雲門

一曲使文武之士青衣執羽並舞而合歌之乃定議
迎神奏中和之曲奠帛奏肅和之曲進俎奏咸和之
曲初獻奏壽和之曲亞獻奏景和之曲終獻奏永和
之曲微饌奏凝和之曲送神奏清和之曲望燎奏太
和之曲祭畢使道童歌雲門之曲

嘉靖十五年九廟特享樂章

禮畢樂成神悅人宜遵豆靜嘉敬微不遲穆穆有容秩秩其
儀益祇以嚴矧敢斂於斯

右太祖廟微饌豫和之曲

於維文皇重光是宣克戡內難轉坤旋乾外舊百蠻以行八
埏貽典則於子孫不忘不愆聖德神功格於皇天作廟奕奕
百世不遷祀事孔明億萬斯年

右成祖廟迎神太和之曲

明明我祖盛德天成至治訏謨遜駿有聲專奠致享惟古經
是程春祀有嚴以迓聖靈惟陟降在庭以賚我思成

右仁廟迎神太和之曲

宣廟英廟憲廟同

樂比聲歌佾舞婆娑稱彼玉爵酒旨且多獻享惟忠神聽以
和孝孫在位受福不那

右仁廟終獻甯和之曲

宣廟英廟憲廟同

列祖垂統景運重熙於惟孝皇敬德允持用光於大烈化彼
蒸黎專廟以享經禮攸宜俎豆式陳庶幾來思

右孝廟迎神太和之曲

武廟迎神亦同此曲惟易於惟
武皇昭德敕威用翦除奸凶大

葉弗應四句
田按明初作四親廟於宮城東南各爲一廟德祖居
中懿祖東第一昭祖西第一仁祖東第二皆南向洪
武八年改建太廟爲同堂異室之制中室奉德祖東

一室奉懿祖西一室奉熙祖東二室奉仁祖皆南向
建文卽位奉太祖主祔廟正殿神座次熙祖東向寢
殿神主居西二室南向成祖遷都建廟如南京制宣
德元年奉成祖祔廟正殿神座次仁祖西向寢殿神
主居東第三室南向二年仁宗祔廟正殿神座次太
祖南向寢殿神主居西第三室南向其後大行祔廟
皆以次居東西室孝宗卽位憲宗將升祔時九廟已
備禮臣謂德祖視周后稷不可祔憲宗升祔當祔懿
祖宜於太廟寢殿後別建祔殿如古夾室之制歲暮
則奉祔主合享如古祔祭之禮帝從其議其後奉祔
皆倣此嘉靖初既尊皇考爲睿宗獻皇帝特立世廟
繼又以皇考專享世廟而成祖以下不得專廟以祀
於心未安十五年新廟成特建成祖以下七廟改世
廟爲睿廟合太廟而九定九廟特享儀此樂章所謂世
廟以享紀其事也至二十四年又罷特廟之祀

王國祀仁祖廟樂章

皇圖聿崇茅社受封禮分雖異孝思則同緇懷世德源深流
鴻報本有祀式昭神功

右迎神濟和之曲

王國之東清廟翼翼奉我皇祖享祀弗忒薦以牲牷敢曰充
腯神其迪簪純嘏是錫

右奉牲慶和之曲

皇祖載德既清且仁弗耀其身委祉後人瞻茲藩服典祀維
寅清醴方薦歆其苾芬

右初獻保和之曲

穆穆靈宮庭燎有燁貳觴載升神其樂止其樂伊何錫我繁
祉磐石之宗本支百世

右亞獻清和之曲

神兮下臨陟降在庭不見其形如聞其聲泠風肅然達於兩

楹禮成之終神保攸甯

右終獻成和之曲

神具醉止威儀孔肅曰爾孝孫來飲爾福介爾眉壽膺爾百祿子孫保之以引以續

右飲福咸和之曲

禮備樂舉祀事攸宜孰其尸之廢徹不遑皇哉神惠覃及我私靈氛將逝如何無思

右微豆嘉和之曲

杳兮忽兮神運無迹鸞馭上征星流飄疾其靈在天其主在室億萬斯年孝思無斁

右送神德和之曲

明集禮親王祭仁祖廟儀前期王散齋四日致齋三
日前祭一日典祠啟王服達道冠絳紗袍典儀典祠
導引王省牲視鼎鑊祭日清晨典祠啟王服冕服典
儀典祠導引王入就位司禮唱迎神樂工奏淳和之
曲司禮唱行禮典祠啟行事鞠躬拜興平身司禮唱
奠幣行初獻禮樂工奏保和之曲復位司禮唱行亞
獻禮樂工奏清和之曲復位司禮唱行終獻禮樂工
奏成和之曲復位司禮唱飲福受胙復位司禮唱行
豆樂工奏嘉和之曲司禮唱送神樂工奏德和之曲
司禮唱送神樂工奏口口之曲典祠啟禮畢導王還
次

田按此王國祀仁祖廟樂章見宋濂文集與明集禮所載儀制少有不同或濂擬未用或用而後有增損今不可知矣

擬祭告天地樂章

仰明明曠巍巍如事父栗以羹物莫稱德曷報之酌用陶匏
斯其宜

右上帝酌獻

六府孔修生我兆民富嫗之功陸海之珍洞洞屬屬清醑以
陳所佑維德頤祥其臻

右地祀終獻

鸞輿下臨從百神金支秀華耀五雲壇峨峨靈欣欣位以序
列享明禋

右分獻

梁寅石門集禮局中承詔分撰郊社宗廟樂章故有此作其音調乖戾雖不可被之筦絃然出於上命不敢棄其草謹錄藏之

擬朝會樂章

天眷聖皇應運開基尊臨大寶撫有華東武功底定文德宏
施微臣曷報仰稱再后

右上壽樂奏壽和之曲

田按此朝會樂章廟祿所擬見明文衡

擬朝會樂章

天命有德之舞

箕疇演洛之靈元龜出聖之徵皇孝理表八紘役五神策六
丁肩五總符十朋介金石利永貞天子九九八十一萬歲壽
與天齊并

右神龜呈

天子踐祚宏拓皇謨義聲翕沓陰肅陽嘘東款扶桑西微余
喜澣海祝栗統爲一家繩牽索引咸傳於都莫不震懼天休
酒濡犧牲羽以拱宸樞玉帛匪頌王會有圖萬歲千秋協

我貞符

右四夷來

田按此朝會樂章王景所擬見明文衡